

ახმეტის მუნიციპალიტეტის საკრებულოს

ბიუროს სხდომა

ოქმი №7

ქ. ახმეტა

30 ივნისი, 2021 წელი

თავმჯდომარეობდა:

თამარ ყვინიშვილი - ახმეტის მუნიციპალიტეტის
საკრებულოს თავმჯდომარე

ბიუროს სხდომას ესწრებოდა:

რ.ბაღაკაშვილი, ბ.ჭიჭიკლიშვილი, ლ.ითიურიძე
გ.ხადიშვილი, დ.იმერლიშვილი, შ.ტერტერაშვილი
ა.შათირიშვილი,

სხდომა გაიხსნა 11⁰⁰საათზე.

სხდომის თავმჯდომარე თ.ყვინიშვილმა გახსნა სხდომა და ბიუროს წევრებს გააცნო დღის წესრიგი.

დღის წესრიგი:

1. ახმეტის მუნიციპალიტეტის დასახლებულ ტერიტორიაზე დასუფთავების მოსაკრებლის ოდენობის განსაზღვრისა და გადახდის ინსტრუქციის დამტკიცების შესახებ

/ მომხს: თ. შათირიშვილი/

2. მშენებლობის (გარდა განსაკუთრებული მნიშვნელობის რადიაციული ან ბირთვული ობიექტების მშენებლობისა) სანებართვო პირობების შესრულების დადასტურების (ექსპლუატაციაში მიღების) თაობაზე აქტის გამოცემის (მასში ცვლილების შეტანის) დაჩქარებული მომსახურების მოსაკრებლის გადახდის წესის და ოდენობის განსაზღვრის შესახებ

/ მომხს: თ. შათირიშვილი/

3. მშენებლობის (გარდა განსაკუთრებული მნიშვნელობის რადიაციული ან ბირთვული ობიექტების მშენებლობისა) სანებართვო მოსაკრებლის შემოღების შესახებ

/ მომხს: თ. შათირიშვილი/

4. ახმეტის მუნიციპალიტეტის საკუთრებაში რეგისტრირებული უძრავი ქონების საპრივატიზებო ობიექტების ნუსხაში დამტკიცების შესახებ.

/ მომხს: თ. კუდიანაშვილი/

ვიდრე საკითხების განხილვა დაიწყებოდა, მერიამ უკვე შესწავლის მიზნით, უკან გაითხოვა პირველი სამი საკითხი და ითხოვა 2 პროექტის დამატება.

1. „ახმეტის მუნიციპალიტეტის ტერიტორიაზე ვიდეოფირზე ან/და ფოტოფირზე დაფიქსირებული ადმინისტრაციული სამართალდარღვევის ფაქტზე გამოწერილი საჯარიმო ქვითრის საჯაროდ გამოქვეყნების წესის დამტკიცების შესახებ“ ახმეტის მუნიციპალიტეტის საკრებულოს 2021 წლის 2 ივნისის N8 დადგენილებაში ცვლილების შეტანის თაობაზე;

/მომხსენებელი - ილია გუმაშვილი /

2. მუნიციპალიტეტის საკრებულოს მიერ „2020-2022 წლების საპილოტე რეგიონების ინტეგრირებული განვითარების პროგრამის“ ფარგლებში საქართველოს საპილოტე რეგიონების განვითარების სამთავრობო კომისიის მიერ გამოცხადებულ კონკურსზე განსახილველად წარსადგენი ინფრასტრუქტურული პროექტების მოწონების შესახებ განკარგულება

/მომხსენებელი - ნ. დეკანოზიშვილი/

სხდომის თავმჯდომარემ კენჭი უყარა დღის წესრიგის ცვლილებას

7 - მომხრე;

1 - არ მიიღო მონაწილეობა;

მოისმინეს: „ახმეტის მუნიციპალიტეტის ტერიტორიაზე ვიდეოფირზე ან/და ფოტოფირზე დაფიქსირებული ადმინისტრაციული სამართალდარღვევის ფაქტზე გამოწერილი საჯარიმო ქვითრის საჯაროდ გამოქვეყნების წესის დამტკიცების შესახებ“ ახმეტის მუნიციპალიტეტის საკრებულოს 2021 წლის 2 ივნისის N8 დადგენილებაში ცვლილების შეტანის თაობაზე;

მომხსენებელმა გააცნო საკითხი ბიუროს დამსწრე წევრებს: ნორმატიული აქტის პროექტში ცვლილება ხორციელდება საქართველოს მთავრობის ადმინისტრაციის სამართლებრივი დასკვნის საფუძველზე (17.06.2021წ. GOV 3 21 00021191). ახმეტის მუნიციპალიტეტის 2021 წლის 2 ივნისის N8 დადგენილებით არ იყო განსაზღვრული ამ დადგენილებით დამტკიცებული საჯარიმო ქვითრის საჯაროდ გამოქვეყნების წესის აღსრულებაზე უფლებამოსილი სტრუქტურული ერთეული.

ეს წესი განსაზღვრავს საქართველოს კანონის „საქართველოს ადმინისტრაციულ სამართალდარღვევათა კოდექსი“ 125-ე მუხლის მე-8, მე-14-მე-16 ნაწილებით, 125⁴ და 135¹ მუხლებით გათვალისწინებულ შემთხვევებში, ახმეტის მუნიციპალიტეტის ტერიტორიაზე ვიდეოფირზე ან/და ფოტოფირზე დაფიქსირებული ადმინისტრაციული სამართალდარღვევის ფაქტზე გამოწერილი საჯარიმო ქვითრის საჯაროდ გამოქვეყნებასთან დაკავშირებულ პროცედურებს, აგრეთვე ამ წესის აღსრულების მიზნით ახმეტის მუნიციპალიტეტის მერიის უფლებამოსილი სტრუქტურული ერთეულის მიერ განსახორციელებელ ღონისძიებებს.

ნორმატიული აქტით აღნიშნული უფლებამოსილების განხორციელება დაევალა, ახმეტის მუნიციპალიტეტის მერიის ადმინისტრაციული სამსახურის საზოგადოებასთან ურთიერთობის და ადამიანური რესურსების მართვის განყოფილებას.

სხდომის თავმჯდომარემ კენჭი უყარა საკითხის საკრებულოს სხდომაზე გატანას

7 - მომხრე;

1 - არ მიიღო მონაწილეობა;

მოისმინეს: ახმეტის მუნიციპალიტეტის საკუთრებაში რეგისტრირებული უძრავი ქონების საპრივატიზებო ობიექტების ნუსხაში დამტკიცების შესახებ.

მომხსენებელმა დამსწრე წევრებს გააცნო საკითხი: დამტკიცდეს საპრივატიზებო ობიექტების ნუსხაში მუნიციპალიტეტის საკუთრებაში რეგისტრირებული შემდეგი უძრავი ქონება:

1. დამტკიცდეს საპრივატიზებო ობიექტების ნუსხაში მუნიციპალიტეტის საკუთრებაში რეგისტრირებული შემდეგი უძრავი ქონება:

ა) ახმეტის მუნიციპალიტეტის სოფელ ალავერდში მდებარე 3029კვ.მ არასასოფლო-სამეურნეო დანიშნულების მიწა ს/კ 50.12.35.120

ბ) ქ. ახმეტაში, ჩოლოყაშვილის ქუჩაზე მდებარე 496კვ.მ არასასოფლო-სამეურნეო დანიშნულების მიწა ს/კ 50.04.47.231

გ) ქ. ახმეტაში, თამარის ქუჩაზე მდებარე 529კვ.მ არასასოფლო-სამეურნეო დანიშნულების მიწა ს/კ 50.04.43.211

დ) ქ. ახმეტაში, სანაპიროს ქუჩაზე მდებარე 2370კვ.მ არასასოფლო-სამეურნეო დანიშნულების მიწა ს/კ 50.04.41.210

ე) ქ. ახმეტაში, სანაპიროს ქუჩაზე მდებარე 2472კვ.მ არასასოფლო-სამეურნეო დანიშნულების მიწა ს/კ 50.04.41.180

ვ) ქ. ახმეტაში, მდებარე 35კვ.მ არასასოფლო-სამეურნეო დანიშნულების მიწა ს/კ 50.04.42.562.

ზ) ქ. ახმეტაში, რუსთაველის ქუჩაზე მდებარე შენობა და მასზე დამაგრებული 777კვ.მ არასასოფლო-სამეურნეო დანიშნულების მიწა ს/კ 50.04.42.086

თ) ახმეტის მუნიციპალიტეტის სოფელ კასრისწყალში მდებარე საცხოვრებელი ბინა და მასზე დამაგრებული 1031 კვ.მ არასასოფლო-სამეურნეო დანიშნულების მიწა ს/კ 50.27.31.023

ი) ახმეტის მუნიციპალიტეტის სოფელ კასრისწყალში მდებარე საცხოვრებელი ბინა და მასზე დამაგრებული 1222 კვ.მ არასასოფლო-სამეურნეო დანიშნულების მიწა ს/კ 50.27.31.024

კ) ქ. ახმეტაში, სანაპიროს ქუჩაზე მდებარე 1328კვ.მ არასასოფლო-სამეურნეო დანიშნულების მიწა ს/კ 50.04.41.219

ლ) ახმეტის მუნიციპალიტეტის სოფელ ხოდაშენში მდებარე 425კვ.მ არასასოფლო-სამეურნეო დანიშნულების მიწა ს/კ 50.02.35.414

მ) ახმეტის მუნიციპალიტეტის სოფელ კუწახტაში მდებარე შენობა და მასზე დამაგრებული 2525კვ.მ არასასოფლო-სამეურნეო დანიშნულების მიწა ს/კ 50.05.36.220

2. ძალადაკარგულად გამოცხადდეს „ახმეტის მუნიციპალიტეტის საკუთრებაში არსებული, ქალაქ ახმეტაში რუსთაველის ქუჩაზე მდებარე უძრავი ქონების, შენობისა და მასზე დამაგრებული 777.0კვ.მ არასასოფლო-სამეურნეო დანიშნულების მიწის (ს/კ50.04.42.086), ა(ა)იპ „კახეთის რეგიონალური განვითარების ფონდი“-სთვის პირდაპირი განკარგვის წესით, პირობიანი იჯარის ფორმით გადაცემის თაობაზე თანხმობის მიცემის შესახებ“ ახმეტის მუნიციპალიტეტის საკრებულოს 2019 წლის 04 დეკემბრის N46 განკარგულება.

შ. ტერტერაშვილმა დასვა კითხვა: შეთანხმებული იყო თუ არა ობიექტების საკითხი რწმუნებულებთან და მაჟორიტარ დეპუტატებთან, ამავე დროს აღნიშნა, რომ წარმოდგენილი უნდა იყოს განმცხადებლის გვარები და მათ მიერ წარმოდგენილი წინადადებების შესახებ.

ეკონომიკის და ქონების მართვის კომისიის თავმჯდომარე არჩილ შათირიშვილმა აღნიშნა, რომ პროექტი ვერ განიხილა კომისიამ და უმჯობესია მოხდეს შესწავლა, რასაც სხვა წევრებიც დაეთანხმნენ.

ბიურომ იმსჯელა და მიიღო გადაწყვეტილება საკრებულოს სხდომამდე ჩატარდეს კომისია, ადგილზე იქნას ყველა საკითხი შესწავლილი და ისე გავიდეს საკრებულოს სხდომაზე.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, ბიუროს გადაწყვეტილების შესაბამისად

1 - მომხრე;

7 - არ მიიღო მონაწილეობა;

მოისმინეს: მუნიციპალიტეტის საკრებულოს მიერ „2020-2022 წლების საპილოტე რეგიონების ინტეგრირებული განვითარების პროგრამის“ ფარგლებში საქართველოს საპილოტე რეგიონების განვითარების სამთავრობო კომისიის მიერ გამოცხადებულ კონკურსზე განსახილველად წარსადგენი ინფრასტრუქტურული პროექტების მოწონების შესახებ

მომხსენებელმა გააცნო ბიუროს წევრებს კონკურსზე წარსადგენი პროექტები (დანართი თან ერთვის ოქმს).

ბიუროს წევრებმა გამოთქვეს თავიანთი მოსაზრებები.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ერთხმად დაუჭირეს მხარი.

სხვა კითხვები და შენიშვნები არ ყოფილა.

ბიუროს სხდომა დაიხურა 12²⁰ საათზე.

საკრებულოს თავმჯდომარე:



თამარ ყვინიშვილი